

I-KZN iphaka impi yokulwa nezingozi zomgwaqo

UHULUMENI wesifundazwe iKwa-Zulu-Natal oholwa nguNdunankulu uMnu Willies Mchunu, usuhlabhe ikhwela kubo bonke abasebenzisa umgwaqo ukuba babeke eqhulwini ukuphepha emgwaqeni-babe ingxenywe yombhidlango wokuqeda isihlaba sokufa kwabantu emgwaqeni.

Lokhu kulandela ukuthi isiGungu sesifundazwe siphume sahambelela izifunda zonke ngomhlaka-25 kuOctober ngenhloso yokufundisa nokukhuthaza ukuphepha emiphakathini nasemigwaqeni.

Lokhu kusebenzisana kuveza ngokusobala ukuthi uHulumeni uhlole phambili uphinde uzibophezele ekuqedeni izinhlekelele nokufa kwabantu emgwaqeni

Lo mkhankaso oshayelwe ihlombe yimiphakathi, uhambisana nohlelo lukaHulumeni u-Operation Sukuma Sakhe (OSS) lapho abaphathiswa belalela, baxazulule izinselelo ezibhekene nemiphakathi emawadini.

Obekezisiwa ngabaphathiswa bekukhulungisa izivimbamgwaqo, ukuhanjelwa kwezikole ngenhloso yokubheka ukuqhubeka kwezivivinyo kumatikuletsheni, kwase kuba



uNdunankulu weSifundazwe Willies Mchunu ubeyinxenye yomkhakhanso wezokuphepha emgwaqeni ngenyanga yezokuthutha. Lapha ubeyingxenywe yesivimba mgwaqo ku-Ennesdale, Estcourt, kuMasipala Inkosi Langalibalele. Isithombe: Zandile Shange.

ukuhlolwa kwemisebenzi yengqala sizinda yokuthutha nokuyakashiwa kweziteshi zamaphoyisa ukuhlola ukuthi zisebenza kanjani. Isifundazwe sisukuma kanjena nje, uMpha-

thiswa wezokuThutha, ukuPhepha nokuXhumanisa uMphakathi uMnu Mxolisi Kaunda wethule esigunwini sokuphathwa kwesifundazwe umbiko oweze ngokushona kwabantu

abangu-24 esikhathiniesingamahora angu-24 emigwaqeni yesifundazwe.

Ephawula ngesikhathi sevimbamgwaqo ku-Ennersdale, Estcourt, uNdunankulu uMchunu uncome wonke

amalunga esigungu sakhe, izinhloko zeminyango neziMeya ngokuzinikela ekuqinisekiseni ukuthi lolu hlelo luba impumelelo, wengeza ngokuthi uHulumeni kufanele ahole phambili ezintweni ezithinta ukuphepha emgwaqeni.

"Lokhu kusebenzisana kuveza ngokusobala ukuthi uHulumeni uhlole phambili uphinde uzibophezele ekuqedeni izinhlekelele nokufa kwabantu emgwaqeni.

"Ngokubona izibalo zobugebengu eziphuma kamiwa nje, kubalulekile ukuthi sihlwe nobugebengu kanye nokwephulwa komthetho emgwaqeni ngokuhlanganyela. Njengabantu futhi kuzo zonke izinhlekelele kumele sisukume sihlanganise izandla ekulweni nabo bonke ububi emiphakathini esiphila kuyo.

"Izinhlekelele zezingozzi nobugebengu ziyayiphazamisa inhlelakahle yabantu, okudinga izinhlekelele zokugcinwa komthetho, imiphakathi nabo bonke ababambe iqhaza ukuba basebenzisane ngokuzimisela."

kusho uMchunu. UHulumeni wesifundazwe uzibophezelele ukuqhubeka nokuqinisa umthetho nokwandisa ukubonakala kwamaphoyisa emigwaqeni, okuhambisana nemiyalezo kwizinkundla zokuxhumana kanye nokuxhumana nemiphakathi okuqhubekayo.

AMAZWIBELA NGOBEKWENZIWA EZIFUNDENI EZAHLUKENE

UNkk Nomusa Dube-Ncube wezokuBusa ngokuBambisana ongushampeni eThekwini ubemelwe uMnu Simiso Magagula oyinhloko yoMnyango weziMali lapho ithimba lakhe lihambela umgwaqo u-P100 phakathi kweNanda neNdwedwe

OwezokuThutha, ukuPhepha nokuXhumanisa uMphakathi uMnu Mxolisi Kaunda ubehambela isiFunda iZululand lapho ehambele khona Olundi nakwaNongoma, wase ehlole nokwakhiwa komgwaqo u-P735 KwaNongoma.

UNks Bongile Sithole-Moloi wezokuCiko namaSiko, ezeMidlalo nokuNgcibeleka, uhlele ithimba lakhe bahlola umgwaqo uD887 eSikheleni, eMpangeni esifundeni iKing Cetshwayo, lapho ezwe izindaba ezimnandi ngokujabula komphakathi kanye neNkosi yesizwe sakwaDube ngalo mgwaqo osanda kwakhiwa.

Ushampeni wasifunda iHarry Gwala uMnu Ravi Pillay uhambela indawo yase uMzimkhulu lapho ehlole imisebenzi yemigwaqo ekuqhubekayo kule ndawo. Uhambele u-P749 okungumgwaqo ophakathi nedolobha uMzimkhulu neRiverside, kwase kuba u-P416 okungumgwaqo ophakathi kweStratford Post neDroefheids Bron.

OwezeMfundo uMnu Mthandeni Dlungwane obejutswe eMandeni kwisifunda iLembe uzwakalise ukujabula ngomsebenzi oqhubekayo ku-P415 lapho sekusele u-4.29 km ukuba ufakwe itiyela ngemali ebalelwa ku-R45 million.



UNdunankulu uMnu Willies Mchunu ongushampeni wasoThukela uhambela indawo yaseMtshezi lapho ekhulume nomphakathi erenki yezithuthi zomphakathi, wahambela nezikole zendawo.

Esifundeni aMajuba uDkt Sibongiseni Dhlomo ubemelwe uSekela-Meya uKhansela Enoch Nkosi obehambisana nobukhosi bendawo abahlele nomsebenzi wokwakhiwa komgwaqo u-D280 okuqhubekayo njengamanje. Lo mgwaqo unikezwe isabelo-mali esingu-R120 million.

UMnu Sihle Zikalala wezokuThuthukiswa koMnotho ushaye ihlombe umsebenzi owenziwa izinhlekelele zezomthetho kanye namaphoyisa aseNgwavuma ngokugwema ukudunwa kwezimoto ezebiwe ziyiswe eMozambique, ngenkathi ehambele indawo yaseNgwavuma lapho evakashele isiteshi samaphoyisa.

UNkk Weziwe Thusi wezokuThuthukiswa koMphakathi ojutshwe esifundeni Ugu uhambela eZingolweni, lapho ehlole khona umgwaqo u-P58. Lomgwaqo ophakathi kweDeemount neZingolweni ngaphansi kaMasipala iMuziwanabantu ungaphansi kweNkosi yakwaXolo. Uphinde wahambela isivimbamgwaqo kuN2/P58 kanye nesiteshi samaphoyisa eZingolweni.

OwezokuLimo nokuThuthukiswa kweziNdawo zasemaKhaya uMnu Themba Mthembu uhlele ithimba lakhe eneNhloko yoMnyango wezokuThutha, uMnu Sibusiso Gumbi, lapho behambela bayohlola umgwaqo omkhulu uP17 ophakathi kweGreytown neNgubevu okutshale kuwona imali ebalelwa ku-R892 million, esifundeni uMzinyathi.

UMphathiswa weziMali KwaZulu-Natal uNkk Belinda Scott ongushampeni esifundeni uMgungundlovu uhlele ithimba lakhe lapho behlele umgwaqo uP390 ozodla umnyango imali ebalelwa ku-R82.7 million. Lo mgwaqo uzohlanganisa izindawo e-Taylor's Halt, KwaMncane, eMpophomeni kanye neHowick.



"Ezokuphepha Emgwaqweni Kungumsebenzi Wethu Sonke."